

AD ARCHITECTVRAM MILITAREM APPLIC.

fit, vt vna alteri aduerfetur, id quod ex his etiam maxime fit manifestum. Quodfi itaque nihil utilitatis aut commodi ad propugnaculorum constructionem hic afferre mihi licuit, id tamen nactus sum, vt ostenderim frustra ex hoc principio propugnaculorum emendationem peti; fed simul tamen specimen Algebrae ad Architecturam militarem applicatae exhibui; intra cuius limites me contineo.

DE CONSTRVCTIONE AEQVATIONVM.

AVCTORE
Leonb. Eulero.

§. I.

Quoties in resolutione problematum ad aequationes differentiales peruenitur, ante omnia inquirendum est, an istae aequationes integrationem admittant; perfectissime enim problema resolui censendum est, quod ad constructionem aequationis algebraicae deducitur. At si aequatio, quod saepissime euenit, in formam algebraicam nullo modo transmutari potest, tum vel quadraturis vel rectificationibus curuarum, quarum constructio habetur, ad problemata resoluenda vti oportet. Ad